

## Min

Min ñabuku Luagêc gêjac min biñ, tañ kêsêp Samuelnê buku luagêc to Kiñnêñ buku luagêc nan, ñakôniñña, mago ñac-keto-bukuwaga gêjac min biñ amboac teñ. Eñ keto lau Israel nêñ kiñnêñ min kêtú ñam luagêcña.

Ñam teñ gebe êwa sa gebe gêñwapac, tañ kêtáp gamêñ kiñña Israel to Judaña sa nan, kêtôm gebe enseñ Anôtônê biñ gêjac mataña su atom. Lau ñapopoc, tañ sêngôñ gamêñ Juda nan, sênaña atom, Anôtô êpuc êsêac tôñ e sêngôm êné biñ ñanô êsa. Ñac-keto-biñwaga taê gêjam Dawid agêc Salomo nêñ gêñsêga ma Jehosapat agêc Hesekia ma Josia sêwaka sakiñ Anôtôña sa kêtiam to lau, tañ sêsap Anôtô tôñ ñañêñ, tec kêkêñ gêwiñ ñajaña gebe Anôtô taê walô nê lau, tañ sêngôñ gamêñ Judaña nan to êngôm nê biñ samob ñanô êsa.

Ñam teñ gebe eñ gebe êkip sakiñ lôm dabuñña ñam sa ma gebe êwaka dabuñwaga to lau Lewi nêñ kôm ñagôliñ to kôm ñalêñ sa amboac tonanğen gebe lau tau tonan sêwê kaiñ sakiñ omña. Ñac-keto-biñwaga gêlic Dawid amboac ñac, tañ kêtú lôm dabuñ to sakiñ dabuñ toê-toê ñamôkê, tagen eñ tau kêkwê lôm dabuñ sa atom. Kôm tonan latu Salomo gêjam kêtôm Kiñnêñ buku gêjac min.

## 33

### *Kiñ Manase anğa Juda*

<sup>1</sup> Manasenê jala kêtú 12 gêdêñ eñ kêtú kiñ Judaña ma gêjam gôliñ jala 55 gêngôñ Jerusalem. <sup>2</sup> Eñ

gêgôm gêñ, tañ Apômtau gêlic gêjac mataanô ñajam atom. Eñ kêdaguc lau tentenlatu, tañ Apômtau kêtiñ êsêac su gêmuñ lau Israel nañ, nêñ mêtê alôb-alôb. <sup>3</sup> Gebe eñ kêkwê gamêñ ñabau, tañ eñ tama Hesekia gesen su nañ, sa kêtiam ma kêkwê anôtô jaba Bal nê altar sa ma kêmasañ anôtôo Asera nê ñakatu to gêjam sakinj gêdêñ utitalata undambêña samob. <sup>4</sup> Eñ kêkwê altar jaba anja Anôtônê lôm ñalêlôm, anja gamêñ, tañ Apômtau kêsôm gebe “Anja Jerusalem aêñoc ñaê oc ênêc endenj tôneñ” nañ. <sup>5</sup> Anja Apômtaunê lôm dabuñ ñamalaclun lulugenj eñ gêboa altar sa gebe lau sênam sakinj utitalata undambêña. <sup>6</sup> Ma eñ kêkêñ nê latui têtú daja anja Gaboan Hinomña ma gêgôm mectomanj to kêsôm mec jaba tokainj-tokainj ma kêtu kênac lau sêmôêc ñacmatê katuñña. Eñ gêgôm gêñ secsêga gêmoa Apômtau lañônémña e gêli Apômtaunê têtac ñandanj sa. <sup>7</sup> Ma kêsôm gebe sêmansañ ñakatu tenj ma kêkêñ gêñ tau kêkô Apômtaunê lôm dabuñ, kêkô anja gamêñ, tañ Apômtau kêsôm biñ kêpi gêdêñ Dawid agêc latu Salomo nañ, gebe “Anja andu tonec to Jerusalem, tañ aê kajalinj sa anja Israelnêñ gôlôacmôkê samob nêñ nañ, aê gabe jakêñ ñoc ñaê ênêc endenj tôneñ. <sup>8</sup> Ma lau Israel embe tanenj wamu aêñoc jatú to sêmansañ biñsu samob, tañ aêñoc sakinjwaga Mose kêkêñ gêdêñ êsêac nañ, go aê jalôc gebe sêjanda ñoc lau anja gamêñ, tañ aê kakêñ gêdêñ nêñ tamenj nañ, êtiam atom.” <sup>9</sup> Manase kêtim lau Juda to lau Jerusalem e sêgôm sec sêlêlêc lau tentenlatu, tañ Apômtau gesenj êsêac su ma lau Israel sêlic nañ.

*Manase gêjam tau ôkwi*

10 Apômtau gêlêñ binj Manase to nê lau kêsa propete awenşun, mago êsêac sêkêñ tañeñ atom. 11 Kêtu tonanña Apômtau kêkêñ kinj Asuriaña nê sinwaga nêñ laumata mênşêgauc Manase ña lêngêc to sêsô eñ tôn ña kapoacwalô ma sêkôc eñ sêja Babilon. 12 Eñ kêtap ñandan sa, go awa gêjac Apômtau, nê Anôtô gebe taé walô eñ étiam ma kêkônij tau ñanôgeñ gêdêñ tamainêñ Anôtô. 13 Keteñ mec gêdêñ eñ, go Anôtô kêkôc ênê mec sa ma kêkêñ taña ênê tañi e kêkêñ eñ kêtú kinj anğa Jerusalem kêtiam. Tec Manase kêjala gebe Apômtau tau eñ Anôtô ñanô.

14 Ñasawa teñ acgom, go kêkwê tunbôm teñ sa kêkô Dawidnê malacsêga ñamagê gêdêñ ñamaken oc kêsêpña kepeñ Gihonña, kêdaguc gaboanğeñ e jagêdinj kêsô “Katam Inja”, tec kêgi Opel ma sêboa kêpi e ñêngeñ gêja. Go kêkêñ sinwaganêñ laumata jasêngônj têtôm malac ñatunbôm gamêñ Judaiaña samobgeñ. 15 Ma eñ kêkôc anôtôi jaba to nêñ ñakatu su anğa Apômtaunê andu to altar, tañ eñ gêboa sa anğa lôc, tê Apômtaunê andu kêkô nê, ma anğa Jerusalem tau nañ, eñ gêjac samob sa ma sêbalij sinj kêsêp malac ñamagê gêja. 16 Eñ kêbênôc Apômtaunê altar kêtiam ma jakêkêñ da wama to da danğe ma eñ kêjatu Judawaga gebe sênam sakinj êndêñ Apômtau, Israel nêñ Anôtôgeñ. 17 Lau sêkêñ da anğa gamêñ ñabau ñagêdô gêwiñ, mago sêkêñ gêdêñ Apômtau, nêñ Anôtô taugenj.

### *Manasenê gôlinj gêjac pep*

18 Gêñ ñagêdô samob, tañ Manase gêgôm mec tañ eñ keteñ gêdêñ nê Anôtô ma binj, tañ propete sêsôm gêdêñ eñ sêjam Apômtau, lau Israel nêñ Anôtô lanô

naŋ, teto sa samob gęc “Kin Israelŋa nêŋ miŋ”  
ŋalélôm. <sup>19</sup> Manase nê mec to Anôtônê ŋagêjô, nê  
sec ŋalêŋ, taŋ eŋ gęgôm gêmuŋ gêjam tau ôkwiŋa  
naŋ, ma gamêŋ sakiŋŋa to anôtôo Asera nê ŋakatu,  
taŋ eŋ kêmasaŋ to anôtôi jaba samob, taŋ eŋ gêjam  
sakiŋ naŋ, samob teto sa gęc “Propetenêŋ Miŋ”.  
<sup>20</sup> Manase gęc nê bêc gęc gêwiŋ tamai ma sêsuŋ eŋ  
aŋga nê andu kapôêŋ ma nê latu Amon kêtü kiŋ  
gêjô eŋ su.

\* kêtiam atom.

---

\* **33:20:** Buku luagęc tonaŋ taŋô ŋaêgeŋ, ŋanô tau gęc

**BIBOLO DABUN**  
**The Holy Bible in the Yabem language of Papua New Guinea**  
**Buk Baibel long tokples Yabem long Niugini**

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

---

PDF generated using Haiola and XeLaTeX on 11 Nov 2022 from source files dated 9 Oct 2020

447e01c5-a375-5452-ae54-b3f890293eeb